

ՀԱՇՎԵՏՎՈՒԹՅՈՒՆ

Վայոց ձորի մարզպետարանի աշխատակազմի կրթության, մշակույթի և սպորտի վարչության 2015թ. կադրային աշխատանքների վերաբերյալ

ԿՐԹՈՒԹՅՈՒՆ

Մարզում գործում է 50 հանրակրթական դպրոց, այդ թվում 14 հիմնական և 36 միջնակարգ, որոնցից 2-ը վարժարան: 2 ավագ դպրոց և 1 կրթահամալիր գործում են ՀՀ ԿԳ նախարարության ենթակայությամբ: 5 դպրոցներ գտնվում են սահմանամերձ գյուղերում, 5-ը՝ բարձր լեռնային բնակավայրերում:

Մարզի 50 դպրոցներում սովորում է 6541 աշակերտ, որից 797-ը ավագ դպրոցներում և կրթահամալիրում: Մարզի սահմանափակ կարողություններ ունեցող 81 դպրոցահասակ երեխաներ ներառական կրթության ծրագրով ընդգրկված են Եղեգնաձորի թիվ 2, Վայքի, Ջերմուկի թիվ 1 հիմնական և Ջերմուկի թիվ 3, Շատինի միջն. դպրոցներում, որտեղ ստեղծված են անհրաժեշտ պայմաններ այդ երեխաների կրթական կարիքներն ապահովելու համար: Համայնքների ղեկավարների, մարզի վիճակագրական ծառայության և ՀԱԳՍ-ի բաժինների հետ համագործակցելով իրականացվում է դպրոցահասակ տարիքի երեխաների հաշվառումը, ինչի արդյունքում մարզում հանրակրթությունից դուրս մնացած երեխաներ չկան:

Բացվել և գործում են 24 նախակրթարաններ, որոնցից 14-ը դպրոցներում: Դպրոցներում գործող նախակրթարաններում ընդգրկվել է 162 երեխա:

Դպրոցներում աշխատում են 1083 ուսուցիչներ, որոնցից 851-ը ունեն բարձրագույն մանկավարժական, կամ բարձրագույն կրթություն (մոտ 80%-ը), մնացած 232-ը՝ միջնակարգ մասնագիտական:

Ուսուցիչ - աշակերտ հարաբերակցությունը կազմում է 1:6:

Դասարանի միջին խտությունը 13,5 - է:

Ուսուցչի միջին ծանրաբեռնվածությունը կազմում է շաբաթական 16,1 ժամ:

Բոլոր դպրոցներն ապահովված են համակարգիչներով, որոնք օգտվում են ինտերնետ կապից:

Մարզի հանրակրթական դպրոցներում հաջողությամբ ներդրվել է շախմատի ուսուցումը: Այդ նպատակով բոլոր դպրոցներն ապահովվել են անհրաժեշտ գույքով:

Արդյունավետ գործել են դպրոցների կառավարման խորհուրդները, որոնց անվանական կազմը 2012թ. հոկտեմբերի 12-ին հաստատվել է Վայոց ձորի մարզպետի որոշմամբ:

Ապահովված է դպրոցական շենքերի պահպանությունը: Ամբողջությամբ լուծված է աշակերտների դասագրքերով ապահովվածության խնդիրը, որոնց վարձավճարները հավաքագրվել են 98 տոկոսով:

Մարզպետարանի կրթության վարչությունը համագործակցում է ԿԳ նախարարության և Կրթության ազգային ինստիտուտի հետ: Տարբեր առարկաների գծով իրականացվել է 117 ուսուցիչների վերապատրաստում և ատեստավորում:

Վարչությունը սահմանված կարգով համագործակցելով ԿԳ նախարարության հետ անցկացրել է տարվա լավագույն <<ուսուցիչ>>, <<տնօրեն>>, <<դաստիարակ>> մրցույթները: Դրանց արդյունքները նախարարությունում ամփոփվել են սեպտեմբերի վերջին:

2015թ. դպրոցականների առարկայական օլիմպիադան կազմակերպվել և անցկացվել է ՀՀ ԿԳ նախարարության սահմանած ժամանակացույցով: Օլիմպիադաներին մասնակցել են շուրջ 800 աշակերտներ տարբեր առարկաներից: Բոլոր հաղթողները մարզպետի կողմից պարգևատրվել են դիպլոմներով, որոնք հանդիսավորությամբ հաճնվել են դպրոցներում: 40-ից ավելի աշակերտներ մասնակցել են հանրապետական փուլին, որոնցից 7-ը արժանացել են դիպլոմների և գովասանագրերի:

Կրթության վարչությունը ակտիվորեն համագործակցում է տարբեր հասարակական կազմակերպությունների հետ: Սիվիլիտաս ՀԿ-ի հետ կատարվել են մեծածավալ աշխատանքներ: Մարզի դպրոցներում <<Կրթության ժողովրդական կառավարման մարտահրավերները>> թեմայով անցկացվել են սեմինարներ: Վայոց ձորի մարզը համագործակցում է Ռուսաստանի Դաշնության Արխանգելսկի և Նիժնի Նովգորոդի նահանգների հետ; Այդ համագործակցության շրջանակներում կազմակերպվել են նաև կրթամշակութային միջոցառումներ: Համագործակցության արդյունքում հաշվի առնելով Մալիշկայի թիվ 2 և Ջերմուկի թիվ 1 դպրոցների մանկավարժական կոլեկտիվների խնդրանքը Վայոց ձորի մարզպետի որոշմամբ Մալիշկայի թիվ 1 դպրոցը անվանակոչվել է Մ.Վ. Լոմոնոսովի անվամբ, իսկ Ջերմուկի թիվ 1 դպրոցը՝ Մաքսիմ Գորկու անվամբ:

Հաջողությամբ իրականացվում է <<Կայուն դպրոցական սնունդ>> ծրագիրը: Մարզի բոլոր հանրակրթական դպրոցների 1-4 ընթացիկ դասարանների երեխաները դպրոցում ստանում են սնունդ՝ հյութերի և թխվածքաբլիթի տեսքով;

Սահմանված կարգով անցկացվել են տնօրենների ընտրություններ; Սահմանված կարգով կազմակերպվում են նաև դպրոցներում ուսուցչի թափուր տեղի համար անցկացվող մրցույթները; Մարզում անցկացվել է 37 ուսուցչի թափուր տեղի համար մրցույթ:

Մարզի դպրոցներում բարձր հիմքերի վրա է ռազմահայրենասիրական դաստիարակության դրվածքը: Բոլոր դպրոցներում կահավորվել են զինվորական կաբինետներ և առանձնացվել են ուսումնական զինանոցներ: Պատշաճ ձևով անցկացվել են <<Կորյուն >> ռազմամարզական խաղերը, <<Դիպուկ հրաձիգ>> մրցույթը: Բոլոր դպրոցները սահմանված գրաֆիկով ռազմադաշտային պարապմունքներ են անցկացնում 4-րդ բանակային կորպուսում, իսկ աշակերտները հրաձգության են մասնակցում Վայքի զորամասի հրաձգարանում: Բոլոր դպրոցներում ստեղծվել և գործում են պատանի երկրապահների ակումբներ:

Գիտելիքների գնահատման և թեստավորման կենտրոնի հետ համագործակցելով, ՀՀ ԿԳ նախարարության կողմից սահմանած գրաֆիկով անցկացվել են միասնական և ավարտական քննությունները, որոնք անցել են առանց խախտումների: 9-րդ և 12-րդ

դասարան ավարտած բոլոր շրջանավարտները ստացել են պետական նմուշի վկայականներ և ատեստատներ: Դիմորդների 30% -ը ընդունվել են բուհեր:

Մարզի դպրոցներում ներդրվել և գործում է <<Dasaran.am>> էլեկտրոնային ծրագիրը: Ծրագրով պահանջվող տվյալները դպրոցների կողմից մուտքագրվում են ժամանակին: Մուտքագրման աշխատանքներում կան որոշակի թերացումներ, որոնք կվերացվեն առաջիկայում:

Կազմակերպվել է մարզի սոցիալապես անապահով ընտանիքների 195 երեխաների ամառային հանգիստը Հանքավանի <<Հասմիկ>> ճամբարում:

Հուլիս ամսին ՀՀ ԿԳ նախարարության կրթության պետական տեսչության կողմից կատարվեցին ուսումնասիրություններ կրթության վարչության վերջին 3 տարիների գործունեության վերաբերյալ, որի արդյունքում կազմված տեղեկանքով տրված հանձնարարականները կատարվել են ժամանակին և պատշաճ ձևով:

Նոր ուսումնական տարվա մեկնարկից առաջ անցկացվեց մարզի կրթության համակարգի աշխատողների խորհրդակցություն, որին մասնակցեց նաև ՀՀ ԿԳ փոխնախարար Կարինե Հարությունյանը:

ԴՏՀՏՀ-ի կողմից մարզի 1-ին դասարանների աշակերտներին հատկացվել են ուսումնական պլանշետներ: Դրանց օգտագործման նպատակով վերապատրաստվել են 1-ին դասարաններում պարապող բոլոր դասավարտները:

Մարզի դպրոցականները ակտիվորեն մասնակցել են տարբեր մրցույթների, փառատոնների (ասմունքի, երգի փառատոն, շախմատի, ընթերցանության և այլ մրցույթներ):

ՄՇԱԿՈՒՅԹ

Մարզում գործում են մարզային և համայնքային ենթակայության 42 գրադարան, 31 մշակույթի տուն, 3 արվեստի, 1 գեղարվեստի և 2 երաժշտական դպրոց, 2 թանգարան և 2 մանկական ստեղծագործական կենտրոններ, պատկերասրահի 2 մասնաճյուղ:

Մարզկենտրոն Եղեգնաձոր քաղաքում գործում է մարզային ենթակայության մշակույթի տուն, երաժշտական դպրոց և երկրագիտական թանգարան: Մարզի մշակութային և ստեղծագործական կոլեկտիվները հաջողությամբ մասնակցում են հանրապետական և մարզային մշակութային փառատոններին, մրցույթներին:

Մարզի մշակութային կյանքին աշխուժություն է հաղորդում տուրիզմի զարգացման արդեն զգացվող միտումները, որին մեծապես նպաստում են մարզի տարածքում առկա պատմամշակութային արժեք ներկայացնող վանական և եկեղեցական համալիրները, որոնց պահպանության համար ձեռնարկված են բոլոր անհրաժեշտ միջոցները:

Հաշվետու ժամանակաշրջանում տեղի են ունեցել հետևյալ միջոցառումները.

- 1.<<Պարարվեստի>> փառատոն—Եղեգնաձոր
- 2.<<Երգչախմբային>> փառատոն-Վայք
3. <<Եղեգան փող>>- աշուղա-գուսանական փառատոն –Եղեգնաձոր
- 4.<<Ասմունքի >> փառատոն-Ջերմուկ, Վայք, Եղեգնաձոր
- 5.<<Ռուսական երգի>> փառատոն-Ջերմուկ, Վայք, Եղեգնաձոր
- 6.<<Հեղինակային երգի>> փառատոն-Եղեգնաձոր
7. Պետական տոների նշում մարզի քաղաքներ
8. Ազգային տոների նշում- մարզի քաղաքներ
- 9 . Մասայական միջոցառումներ–մարզի համայնքներ
- 10.Երիտասարդական հավաք–փառատոն Սիրանույշ ճամբար
- 11.Հոբելյանական տարելիցների նշում < Եղեռնի 100 ամյակ,Հայրենական Մեծ պատերազմի 70 ամյակ
12. <<Վայոց ձորը և եղեռնը>> նկարչական ցուցահանդես –երկրագիտական թանգարան
13. <<Երգի և բեքի տոն>> Եղեգնաձոր
- 14 <<Գինու տոն>>-- Արենի
- 15 << Համայնքների տոն>>Մալիշկա, Ելփին, Ռինդ, Արենի,Եղեգնաձոր
16. Համագործակցվել է ՀՀ Մշակույթի նախարարության հետ և մարզի սահմանամերձ համայնքների 171 դպրոցականներ մասնակցել են ՀՀ կառավարության ծրագրում ներառված <<Մշակութային կազմակերպություն–դպրոց>> աբոնեմենտային համակարգի ներդրման պիլոտային ծրագրին:

Սպորտ

ՀՀ սպորտի և երիտասարդության հարցերի, ՀՀ ԿԳ նախարարությունների կողմից ուղարկված կանոնակարգերի և մարզպետի կողմից մարզական միջոցառումների կազմակերպման և անցկացման մասին ընդունված որոշումների հիման վրա մարզում անցկացվում են սպորտային տարաբնույթ միջոցառումներ:

Մարզում գործող ուսումնական հաստատությունների 80 տոկոսն ունեն մարզադահլիճներ, իսկ մնացած ուսումնական հաստատությունները ֆիզկուլտուրայի դասաժամերը անցկացնում են հարմարեցված դասասենյակում, բոլոր ուսումնական հաստատությունները ունեն մարզահրապարականներ:

Նախագորակոչային և զորակոչային տարիքի պատանիների ֆիզպատրաստականությունը կամակերպվում է հանրակրթական դպրոցներում ՀՀ կառավարության կողմից սահմանված պետական ծրագրով: Ամեն տարի մարզի հաստատություններում կազմակերպվում են ռազմամարզական խաղեր նախագորակոչային և զորակոչային երիտասարդության մասնակցությամբ:

2015 թ ռազմամարզական խաղերին մասնակցել են 1030 երիտասարդներ:

Երիտասարդները մասնակցել են նաև կրակային և ֆիզպատրաստականության դասընթացների:

Ֆիզիկական կուլտուրայի և սպորտի զարգացման ուղղությամբ տարվող աշխատանքները ՏԻՄ-երի կողմից խթանելու և բնակչության համար նպաստավոր պայմաններ ստեղծելու նպատակով մարզում իրականացվում է ՀՀ նախագահի մրցանակի համար <<Լավագույն մարզական բալ>>, <<Լավագույն մարզական քաղաքային համայնք>>, <<Լավագույն մարզական ընտանիք>> մրցույթները: Մարզի 3 քաղաքներում <<Վայք, Եղեգնաձոր, Զերմուկ>> մրցույթին մասնակցեցին 122 ընտանիքներ: Տարեցտարի ավելանում է մրցույթի մասնակից ընտանիքների թիվը: Յուրաքանչյուր տարիքային խմբում 3 ընտանիքներ իրավունք ունեցան մասնակցելու մարզաըին փուլին: Մարզային փուլին մասնակցեցին 36 ընտանիքներ և նրանցից 12 մասնակցեցին Ծաղկաձորում կազմակերպված հանրապետական փուլին: Ընդանուր առմամբ նախագահի մրցանակի համար մարզից մրցույթին մասնակցեցին 366 մասնակիցներ:

2015թ. Զերմուկ համայնքից հաշմանդամություն ունեցող մեկ ընտանիք մասնակցեց այս տարվա ՀՀ նախագահի մրցանակի համար <<Լավագույն մարզական ընտանիք>> մրցույթին, արժանացավ երրորդ մրցանակի և պարգևատրվեց 400000 դրամով:

Մարզի 6 նախադպրոցական հիմնարկներ և 10 հաշվանդամություն ունեցող երիտասարդներ մասնակցել են ՀՀ նախագահի մրցանակի համար: <<Լավագույն նախադպրոցական հիմնարկ>> և <<հաշմանդամություն ունեցող լավագույն մարզիկ>> մրցույթներին:

2015թ. ընթացքում իրականացվել են բնակչության ֆիզիկական դաստիարակության համալիր միջոցառումների ծրագրեր՝ նպաստելով բնակչության ֆիզիկական դաստիարակության, ֆիզիկական կուլտուրայով, սպորտով զբաղվելու պայմանների ստեղծմանը: Մեթոդական և խորհրդատվական աջակցություն է ցուցաբերվել համայնքապետերին, մարզական կազմակերպություններին՝ ֆիզկուլտուրային-առողջարարական և մարզական աշխատանքներ անցկացնելու ինչպես նաև առողջ ապրելակերպ քարոզելու գործում:

Համայնքային ենթակայության նախադպրոցական հիմնարկների սաների և հանրակրթական ուսումնական հաստատությունների տարբեր դասարանների աշակերտների շրջանում անցկացվել են սպորտլանդիաներ: Ձմեռային մարզաձևերը և և ազգային խաղերը մասսայականացնելու, մարզի ազգաբնակչության առօրյան հետաքրքիր դարձնելու նպատակով մարզի շուրջ 10 քաղաքային և գյուղական համայնքներում անցկացվել է <<Վայոցձորյան ձմեռ 2015>> մարզամշակութային մասսայական միջոցառումը: Եզրափակիչ միջոցառումը անցկացվեց Զերմուկ քաղաքի ճոպանուղու

տարածքում: 2015թ. կատարված աշխատանքների շնորհիվ ավելացել են ՀՀ նախագահի մրցանակի համար <<Լավագույն մարզական ընտանիք>> մրցույթի մասնակից ընտանիքների քանակը, հասնելով 100-ի:

Մարզում պարբերաբար իրականացվում են միջոցառումներ և ծրագրեր, որոնք ուղղված են երիտասարդության խնդիրների և հիմնահարցերի լուծմանը:

Արդեն ավանդույթ է դարձել և երեք օր տևողությամբ Եղեգնաձոր քաղաքում իրականացված երիտասարդ արվեստագետների բացօթյա ցուցահանդեսը: Տաղանդավոր երիտասարդները հնարավորություն ունեցան ցուցադրելու իրենց աշխատանքները հանրությանը, ավելի ճանաչելի դառնալու և կիսելու իրենցից փորձառու արվեստագետների հետ: Աչքի ընկած 3 երիտասարդներ մասնակցեցին Գյումրիում կազմակերպված նկարչական չորրորդ պլեներին:

Ստեղծվել է մարզպետին կից երիտասարդական խորհուրդ, որը պատրաստ է աջակցելու և կյանքի կոչելու երիտասարդների կողմից առաջադրված յուրաքանչյուր ծրագիր:

Հաշվետվությունն ուղարկվում է կայքում տեղադրելու համար:

ՀՀ Վայոց ձորի մարզպետարանի աշխատակազմի

կրթության, մշակույթի և սպորտի վարչության պետ

Ա. Ղազարյան

08.01.2016